



Volumen Epistolarum, Qvas Romani Pontifices, Gregorius III., Stephanvs III., Zacharias I., Pavlvvs I., Stephanvs IV., Adrianvs et Pseudopapa Constantinus miserunt & reges Francorum, Carolvm Martellvm, ...

Gretser, Jacob

[München], 1613

Item exemplar generale eiusdem Papæ ad cunctum exercitum à Deo protectum Regni Francorum, in qua continentur gratiarum actiones & vberimæ benedictiones, pro certamine eorum, & vt magis in seruitio ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

Incolumem Excellentiam vestram gratia superna custodiat.

Item Epistola eiusdem Papae, ad Dominum Pippinum regem directa, in qua continentur lamentationes, eo quod Desiderius Rex consilium iniit cum Georgio imperiali Misso, qui hic Francia adsuit, ut Imperator suum exercitum in Italia contra Rauennam vel Pentapolim ad Romanam urbem ad comprehendendum mittat, & ipse Desiderius, cum vniuerso regno Langobardorum in eius adiutorium vel solatium ea mala ad perpetrandum decertet, & quia cotidie scamaras & depraedationes in eorum finibus faciebant, cum nimis adiurationibus postulans adiutorium obtinere contra ipsos Langobardos, & ideo minime in hoc volumine est scripta, quia pra nimia vetustate iam ex parte erat diruta, tamen alia capitula in eadem non continentur inserta, sed sicut in superiore Epistola legitur, sic & in ista scriptum reperitur.

Deest ergo hac Epistola. Nec eius meminerunt in Summaris Bar & Centuriatores. Facilius tamen tactura est, si nihil aliud continebat, quam superior Epistola.

Item exemplar generale eiusdem Papae ad cunctum exercitum à Deo protectum Regni Francorum, in qua continentur gratiarum actiones & vberissima benedictiones, pro certamine eorum, & ut magis in seruitio Dei omnipotentis, & sanctae Dei Ecclesiae, certando perseverent, animum, Domini Pippini Regis ad hoc peragendum excitent.

XXII.

PAULVS seruus seruorum Dei, omnibus dilectis nobis Episcopis & venerabilibus Presbyteris & Abbatibus atque religiosis Monachis glorio-

gloriosis etiam Ducibus & Comitibus seu vniuersæ Christo dilectæ generalitati exercitus à Deo protecti Regni Francorum constitutis: considerantibus nobis, & velut ignitam coram nostris aspectibus splendifluâ, Christo amabilis fortitudinis vestræ fidem, & laboriosum certamen adhibentibus, quod liberationi sanctæ Catholicæ & Apostolicæ Romanæ Ecclesiæ, quæ vos verbo prædicationis, peculiaritatis modo sinceris genuit filios, exhibere totis nisibus* studemini, magna nobis admirandi inhæret qualitas, & hæc laudis præconia vestro nomini & benedictæ generationi proferre in vniuerso non desistimus orbe terrarum. O dulcissimi atq; amantissimi nobis, quam vicissitudinis reparationem vestro exercitui conferemus? Aut quæ thesaurorum copiæ dignæ sint, ad tot beneficiorum præsidia, quæ sanctæ Ecclesiæ contulistis? & licet in hoc mentis consideratio & possibilitas coartetur vobis digna rependere, verumtamen est iudex iustus in cælis, Dominus Deus noster, qui digna vestrorum retribuet operum merita. Verè enim eleuatum est nomen gentis vestræ super multas generationum nationes, & Regnum Francorum vibrans emicat in conspectu Domini: quod talibus benignissimis Dei Catholicæ & Apostolicæ sanctæ Ecclesiæ liberatoribus præornatur Regibus; Nouus quippe Moyse, nouusq; Dauid in omnibus operibus suis effectus est Christianissimus, & à Deo protectus filius, & spiritalis Compater. Dominus Pippinus, Dei nutu victoriosissimus Rex per quem exaltata Dei Ecclesia triumphat, & fides Catholica ab hæreticorum telo illibata consistit.

Et vos quidè, charissimi, gens sancta, regale sacerdotiū, populus acquisitionis, cui benedixit Dñs Deus Israël,

*Bar. Sum.
29. Centu-
riatores ex-
tra reli-
quarū or-
dinem hu-
ius Epistola
Summariū
collocant.*

**studetis.*

Israël, gaudete & exultate, quia nomina vestra, Regumque vestrorum exarata sunt in caelis, & merces vestra magna est coram Deo & Angelis eius. Firmum quippe, beatissimum Petrum Apostolorum principem, cui à Redemptore nostro ligandi soluendiq; peccata, in caelo ac in terra concessa est potestas, adepti estis protectorem sed omnipotens Dominus, eiusdem sui Apostoli intercessionibus, benedicat, protegat, atque confortet & corroboret Deo amabilem communitatem vestram, actusque vestros, in beneplacito suo disponat, tribuens vobis à caelo victoriam, fines vestros dilater, subiiciens excellentissimis Regibus vestris, omnes barbaras nationes ad perfectam liberationem & exaltationem sanctæ vniuersalis Dei Ecclesiæ, & fidei orthodoxæ integritatem, detq; vobis ea sapere, quæ illis sunt placita, & multò amplius corda vestra in amore beati Petri, & eius Apostolicæ Sedis illustret, fidelique studio eius præceptis Apostolicis obtemperantes, vestrorumque regum mandata obseruantes, & præsentis vitæ cursum cum victoria & bona fama exequi, & æterna gaudia cum cœli ciuibus perfrui mereamini.



Item